



Z A P I S N I K

29. sjednice Komisije za vanjsku trgovinu i carine Predstavničkog doma Parlamentarne skupštine BiH, održane 29. augusta 2006. godine

Sjednica je počela u 10,30 sati.

Sjednicom je predsjedavao Petar Kunić, predsjedavajući Komisije.

Sjednici su prisustvovali: Ivo Lozančić, Fatima Leho, Azra Hadžiahmetović, Izet Hadžić, Ibrahim Đedović i Mladen Potočnik.

Sa sjednice opravdano su odsustvovali: Dušanka Majkić i Marija Perkanović.

Sjednici su prisustvovali Ruža Sopta i Nikola Špirić, predlagači Zakona, poslanici u Predstavničkom domu.

Na sjednicu je pozvan predstavnik Ministarstva vanjske trgovine i ekonomskih odnosa BiH, ali, iz opravdanih razloga, nije mogao prisustvovati sjednici.

Za sjednicu Komisije predložen je i jednoglasno usvojen sljedeći

D N E V N I R E D

1. Usvajanje Zapisnika 28. sjednice Komisije;
2. Ponovno razmatranje Prijedloga zakona o izmjenama dopunama Zakona o carinskoj tarifi Bosne i Hercegovine, predlagač: poslanik Nikola Špirić;
3. Razmatranje Prijedloga zakona o izmjenama i dopunama Zakona o carinskoj tarifi Bosne i Hercegovine, predlagač: Vijeće ministara BiH;
4. Razmatranje Prijedloga zakona o izmjenama i dopunama Zakona o carinskoj tarifi Bosne i Hercegovine, predlagač: poslanik Ruža Sopta;
5. Tekuća pitanja.

Ad-1

Zapisnik 28. sjednice usvojen je jednoglasno, bez primjedbi.

Ad-2

Ponovno razmatranje Prijedloga Zakona o izmjenama i dopunama Zakona o carinskoj tarifi Bosne i Hercegovine, predlagača Nikole Špirića, poslanika u Predstavničkom domu (upućenog u parlamentarnu proceduru 22. 3.2006.)

Uvodno obrazloženje o razlozima izmjena i dopuna navedenog zakona, s osvrtom na dosadašnji rad Komisije, dao je predlagač Zakona. Cilj zakona je da se proizvođači uljarica na teritoriju Bosne i Hercegovine za proizvodnju jestivog ulja stimuliraju ukidanjem dažbina - carinske stope od 5% na uvoz, čime bi se istovremeno podstakla i unaprijedila domaća proizvodnja jestivog ulja.

U raspravi su učestvovali: Petar Kunić, Fatima Leho i Azra Hadžiahmetović.

Nakon opće i rasprave o pojedinostima, Komisija je, sa šest glasova "za" i jednim "suzdržanim" glasom, podržala principe Zakona; konstatirala da na Prijedlog zakona nije bilo uloženi amandmana i prihvatila Prijedloga zakona, uz napomenu da je potrebno prilagoditi tekst Zakona predlagatelja Jedinostvenim pravilima za izradu pravnih propisa u institucijama Bosne i Hercegovine.

Komisija će predložiti Predstavničkom domu razmatranje i usvajanje Prijedloga zakona o izmjenama i dopunama Zakona o carinskoj tarifi Bosne i Hercegovine, predlagača Nikole Špirića, poslanika u Predstavničkom domu.

Ad-3

Razmatranje Prijedloga zakona o izmjenama i dopunama Zakona o carinskoj tarifi Bosne i Hercegovine, predlagač Vijeće ministara BiH

Prijedlog zakona o izmjenama i dopunama Zakona o carinskoj tarifi Bosne i Hercegovine Vijeće ministara BiH uputilo je 22. juna 2006. u parlamentarnu proceduru, s prijedlogom da se Zakon razmatra po hitnom postupku, u skladu s članom 104. Poslovnika Predstavničkog doma.

Predstavnik predlagača, iz opravdanih razloga, nije mogao prisustvovati sjednici kako bi obrazložio razloge izmjena i dopuna Zakona, što je, na prijedlog članova Komisije, učinila sekretar Komisije. Istakla je da se u Prijedlogu zakona radi o realizaciji Zaključka sa 63. sjednice Predstavničkog doma održane 27. jula 2005., kada je usvojena Izvještaj Komisije i Vijeća ministara BiH o rezultatima primjene Zakona o izmjenama i dopunama Zakona o carinskoj tarifi Bosne i Hercegovine ("Službeni glasnik BiH", broj 32/04) vezano za uvoz određenih kvota mesa i sklopova za automobile. Ovim izmjenama i dopunama stvaraju se uslovi za sprečavanje mogućih zlopotreba u implementaciji tarifnih kvota. Navedene izmjene i dopune odobrio je Upravni odbor UIO BiH.

Predstavnički dom je, na 83. sjednici, održanoj 25. jula 2006., prihvatio zahtjev predlagača Zakona, Vijeća ministara BiH, da razmatra Prijedlog zakona o izmjenama i dopunama Zakona o carinskoj tarifi Bosne i Hercegovine po hitnom postupku, u skladu s članom 104. Poslovnika Predstavničkog doma.

Ustavno-pravna komisija Predstavničkog doma je na 69. sjednici, održanoj 6. jula 2006., razmatrala Prijedlog zakona o izmjenama i dopunama Zakona o carinskoj tarifi Bosne i Hercegovine Vijeća ministara BiH i jednoglasno utvrdila da postoji valjan ustavno-pravni osnov, i da se ponuđeni tekst Zakona o izmjenama i dopunama Zakona o carinskoj tarifi Bosne i Hercegovine može uputiti u daljnju proceduru nadležnoj komisiji.

U raspravi su učestvovali: Mladen Potočnik, Azra Hadžiahmetović i Fatima Leho.

Nakon opće i rasprave o pojedinostima, Komisija je, s četiri glasa "za" i tri "suzdržana" podržala principe predloženog zakona.

Komisija je konstatirala da na Prijedlog zakona o izmjenama i dopunama Zakona o carinskoj tarifi Bosne i Hercegovine nije bilo uloženi amandmana i većinom glasova prihvatila Prijedlog zakona koji je neophodno donijeti, te će predložiti Predstavničkom domu da usvajanje Zakona o izmjenama i dopunama Zakona o carinskoj tarifi Bosne i Hercegovine, predlagača Vijeća ministara BiH.

Ad-4**Razmatranje Prijedloga zakona o izmjenama i dopunama Zakona o carinskoj tarifi Bosne i Hercegovine, predlagač poslanik Ruža Sopta**

Prijedlog zakona o izmjenama i dopunama Zakona o carinskoj tarifi Bosne i Hercegovine uputila je 21. juna 2006. Ruža Sopta, poslanik u Predstavničkom domu, u parlamentarnu proceduru, s prijedlogom da se Zakon razmatra po hitnom postupku, u skladu s članom 104. Poslovnika Predstavničkog doma.

Predstavnički dom je na 82. sjednici, održanoj 7. jula 2006., prihvatio zahtjev predlagača Ruže Sopta da razmatra Prijedlog zakona o izmjenama i dopunama Zakona o carinskoj tarifi Bosne i Hercegovine po hitnom postupku, u skladu s članom 104. Poslovnika Predstavničkog doma.

Ustavno-pravna komisija Predstavničkog doma je, na 69. sjednici, održanoj 6. jula 2006., razmatrala Prijedlog zakona o izmjenama i dopunama Zakona o carinskoj tarifi Bosne i Hercegovine, poslanika Ruže Sopte i jednoglasno utvrdila da postoji valjan ustavno-pravni osnov, te da se ponuđeni tekst Zakona o izmjenama i dopunama Zakona o carinskoj tarifi Bosne i Hercegovine može uputiti u daljnju proceduru nadležnoj komisiji.

Komisija je na 28. sjednici, zbog efikasnosti rada, poučena dosadašnjim prijedlozima i inicijativama poslanika za izmjene i dopune zakona iz oblasti carinsko-tarifne politike, zaključila zatražiti mišljenje resornog ministarstva i Upravnog odbora UIO BiH na osnovu odredbi Zakona o ministarstvima i drugim organima uprave Bosne i Hercegovine i Zakona o sistemu indirektnog oporezivanja u Bosni i Hercegovini.

Uvodno obrazloženje o razlozima za izmjene i dopune navedenog zakona, dala je predlagač Zakona. Cilj Zakona je da se domaći proizvođači stimuliraju ukidanjem dažbina - carinskih stopa kod uvoza repromaterijala za proizvodnju dječijih pelena i nižim cijena proizvoda u odnosu na uvozne proizvode podstaknu i unaprijede domaću proizvodnju.

Komisija je konstatala da je prije održanja sjednice Komisije, na Prijedlog zakona o izmjenama i dopunama Zakona o carinskoj tarifi Bosne i Hercegovine, Ivo Lozančić uložio amandmane. Amandmanima koje ja Komisija usvojila, popravljaju se tehničke greške u Prijedlogu zakona.

Nakon obavljene opće i rasprave o pojedinostima, uz konstataciju da je u tekst Zakona potrebno prilagoditi Jedinostvenim pravilima za izradu pravnih propisa u institucijama Bosne i Hercegovine, Komisija je, s pet glasova "za" i jednim "suzdržanim" glasom, podržala Prijedlog zakona, uz uslov da je potrebno sačekati mišljenje Upravnog odbora UIO BiH o Prijedlogu zakona, kada će Komisija podnijeti konačan izvještaj Predstavničkom domu.

Ad-5

U okviru ove tačke nije bilo pitanja.

Sjednica je završena u 11,15 sati.

Sekretar Komisije
Emira Češljarić

Predsjedavajući Komisije
dr. Petar Kunić